

I  
LE

PACIFIQUE

POUR LA DEFENCE

DU PARLEMENT.

A LA ROYNE.

IE ne suis pas Soldat, encore que ie ne fois  
parét de nostre beau Marquis, ny de na-  
tion Florentine, Ie suis François, Mais Frâ-  
çois Pacifique, qui ennemy de nos Coyons  
& de nos Bazanés, porte sur la langue ce  
que iay sur le cœur, & qui proteste, que si  
mon pouuoir égaloit mon vouloir, nous  
n'aurions ny Coyons, ny Bazanés en Fran-  
ce. parce que l'un enleue nos thresors, &  
l'autre gaigné par la force du tresor estran-  
ger, trahit le Roy, l'Estat, & la Patrie. On le  
dit assez haut, Madame, mais ny pour cela:  
vous auez l'œil fillé, l'oreille Cottonnée &  
vostre cœur à l'Ancre. Et vous semble que  
rien ne peut rompre le cours de vos des-  
seins, tant que vous auez la Plume, la Cire,  
le Coron & l'Ancre: Mais ie doute, Mada-  
me, qu'avec si grand aisance, que vous vous

1613

A

19

persuadez, vous tiriez partie de vos hautes resolutions, que vous peussiez aller au pair de vostre vouloir, & que vostre Conseil, plus sçauant qu'Archimede, aye trouué le poinct par luy tant desiré, pour remuer toute la terre.

Tout beau, d'ordinaire l'opinion des temeraires se mesconte, & souuent telles gës peuuent moins qu'ils ne pensent pouuoir, Cen'est pas, Madame, que vostre pouuoir, ne puisse estre égal a vostre vouloir, Mais il y faut aller avec de la moderatiō : Et croire que vous pourrez autant que vous voudrez, si vous vous persuadez de ne pouuoir que ce que vous deuez, Mais nostre belle Marquise n'approuuera pas cét aduis, non plus que nos autres bons Agās. Elle aymela rigueur, & veut emporter de haute lutte sur les Frāçois, ce qu'ō ne peut gagner que par douceur. Ceste maxime est bōne belle Marquise en la maisō de vos ancestres, à l'endroit des apprentifs de la Menuiserie, mais nō pas en vn puissant Estat, Ha! Madame fuyez ceste Magie, ie veux dire ceste Maxime, la douceur, à l'endroit des François, est plus aduantageuse que la force, parce que l'vne vous donne les cœurs, ou l'autre vous les perd, & aliene de vostre obeissāce. Le meilleur miel est celuy qui coule de soy-mes-



me, & la resolution de bien faire prise par la douceur, à d'autant plus de fermeté, qu'elle à pour garde vne bõne volõté au lieu que celle qui est forcée ressemblẽ à l'arbre lequel plie par force, est facile à retourner à sa premiere posture, Et puis, madame, cõme la rouẽ trop serrée craquette, la porte trop astringente ne s'ouure, & ne ferme qu'à peine aussi le subiect trop mal traité murmure, & ne cherche que les moyens de se mettre en franchise, Je crains, Madame, quelque mal heur, vous sçavez assez que vous avez à faire à vn peuple capricieux de luy-mesme, Mais au reste, tout genereux, que vous avez par le passé manié assez heureusement, tant par vne grace particuliere du Ciel, que par l'esperance qu'il a eu de vostre douceur, de vostre amour, & de vostre prudence, Mais si ces violences qu'on exerce, continuent, & s'il ne reçoit l'allegement, les faueurs, & toutes les gratifications qu'il s'estoit promis, A Dieu patience: Ainsi ne vous tenez pas si opiniastrement à l'aduantage, que vostre qualité vous semble donner, Mais plutost, mettez vous deuant les yeux ce que l'honneur, la biẽ seance, & la seureté de l'Estat vous defend. Ceux qui ont vne souueraine puissãce

sur vn peuple sont plus créez pour le peuple  
 que le peuple pour eux, quelque profession  
 que l'un face de cōmāder, & l'autre d'obeir,  
 & si le peuple leur doit l'obeissance & la fi-  
 delité; ils luy doiuent en contr'eschange  
 la conseruation, le soulagement, & la Iusti-  
 ce: Mais, sur tout, il faut que leur oreille soit  
 en tout temps ouuerte à leurs plaintes: Car,  
 comme le malade trouue sa douleur alle-  
 gée, quand le Medecin à la patience de  
 l'entēdre: Aussi le peuple trouue de la con-  
 solation en sa misere, quand leur chef re-  
 çoit humainement ses humbles remon-  
 strances.

Comment donc pouuez-vous esperer de  
 mesnager heureusemēt les cœurs de ce ge-  
 nereux Peuple. Puis que vous ne donnez  
 paisiblement l'oreille, non seulement à ses  
 plaintes: Mais aussi au salutaire aduis que  
 vous donnent ceux que le salut de la patrie  
 touche, & qui trauaillent à sa conseruation,  
 sans autre esperance de recompense, que la  
 gloire, d'auoir seruy fidelement leur Roy &  
 le public, & puis qu'au lieu d'agréer ce de-  
 uoir, & ce zele, vous recompensez leur bon-  
 ne volonté d'iniures & de menaces. Nous  
 l'auons veu à la tenuë de nos Estats, Mais  
 plus à plein ces iours passez, au traitement



qu'on a fait à cet Auguste, & venerable Senat, qui embrasé d'un saint Amour, & compassionné esmeu de l'oppression du peuple, & de la funeste cendre de la gloire de cet Estat, à voulu rendre au Roy, & au public pour la descharge de son deuoir, un effort signalé du soing qu'il a de la grâdeur de cette Monarchie. Vous ne pouuiez avec raison trouuer ce procedé mauuais, Mais au contraire, louer la vertu, le courage, le zele, & la fidelité de ceste venerable Compagnie. Quand on nous represente ces anciennes Statuës de Mercure, à mains, & pieds tousiours tendus, N'est-ce pas pour nous monstrier, que ceux qui esleuez en ces charges d'honneur, doiuent auoir tousiours l'esprit sur pied, la main sur l'oeuvre, & l'ame toute sur le bien public, & grandeur de leur Roy: On dit, que Moyse lors qu'il estoit au haut du mont Sinai: estant aduertit par la bouche de Dieu, de l'Idolatrie du peuple, & entendant les menaces de Dieu, opposa ses prieres à son courroux, Mais aussi, que lors qu'il fut descendu en bas, & qu'il eut veu le peuple idolatrant, qu'il prist la cause de Dieu en main, se declara leur ennemy, & avec un extrême zele vengea la gloire de son Dieu, Je diray aussi, qu'il faut que les

balanciers de la Iustice plaident deuant le Roy les larmes aux yeux, & les souspirs au cœur, les miseres du peuple, Et tout au contraire, que quand il y a de l'abus, des malueruations, & des monopoles contre l'Estat, qu'ils plaident, à main armée, deuant le peuple, la cause de leur Roy & du public. Ce grand Senat, Madame, en a voulu faire le mesme, mais plus modestement: Car au lieu de plaider la cause du Roy & du public, à main armée, deuant le peuple, Il n'a voulu pour armes, que les larmes, ny pour espée, qu'un Caducée, verge de paix, & d'amitié, ny d'autres Iuges, que ceux mesmes qui sont responsables du mesnage de cet Estat, Helas! Madame, Ce procedé ne meritoit pas cet Arrest de fulmination, qu'on a donné contre ce sacré Corps, Au contraire, comme l'action de Moysé fut tellement agreable à Dieu, qu'au lieu, que lors qu'il fut descendu de cette Montagne, & qu'il eut appaisé Dieu, il auoit vn visage ordinaire, Et au contraire apres qu'il eut fait cette zelée execution, & qu'il fust remonté en la Montagne, pour receuoir les secondes Tables de la Loy, Il en descendit avec vn visage rayonnant, & remply d'une viue & esclatante lumiere, Et mesmes, qu'il s'aprocha



de plus près de son Dieu. Aussi ceste belle & genereuse action, qui ne mourra iamais, deuoit estre payée de gloire, & d'amour.

Et qui osera donc, a l'aduenir, veu ce rigoureux traitement, defendre la caule du Roy, & du public? Faudra il, que comme ceux de Calcide quitterent leur pais aux Rats, les Abderites aux Grenouilles, Et que comme le pays des Etholiens fut vendu par des petits enfans, que le François aussi quitte son pays a la mercy des passions estrangeres & consente laschement qu'on en vende ses despoilles à beaux deniers comptans. Helas! Qu'il y en a grand'apparence, Si quelque genereux Cocles, si quelque braue Decius ne presente vn guerrier estomach au fer, & au trenchant, qu'on prepare contre ce sacré & auguste Senat: Mais quoy? Croiray je ce qu'on dit, qu'on aye resolu d'aller à main armée au Parlement, pour déchirer ces belles & salutaires remonstrances? Je le dois croire: Car que ne faict faire la passion d'une femme? Mais que deuez-vous craindre, venerable Senat, ayant le cœur & l'amour des Parisiens, Ouy, Braues Parisiens, Chers protecteurs de ce grand Parlement, que vous auez tousiours vniquement chery, Ce grand Senat ne doit rien crain-

dre, Si tousiours fidelles vous combattez,  
 comme il fait pour vostre repos, pour la  
 gloire de vostre ville, de vostre patrie, & des  
 Officiers de vostre ieune Roy. Helas! Si le  
 pouuoir de vostre Roy ne sert qu'à la passio  
 des ennemis de nostre repos, & si ce grand  
 Parlement est offensé, que deuez vous at-  
 tendre, qu'une tyrannique souffrance. Et  
 que sera vostre Paris, Qu'un public brigandage. Et vous grand Roy, ne permettez que  
 la foiblesse de vostre âge vous face faire  
 quelque coup au desauantage de l'authori-  
 té de ce grand Parlement, Les ennemis de  
 vostre grandeur vous menent à gauche,  
 Tournez à main droite: C'est la glorieuse  
 brizée du genereux Achile. Vous allez  
 perdre la raison, dans la coupe de Circé,  
 Arrestez-vous là, grand Roy, d'aller ainsi à  
 main armée contre le plus sacré, le plus  
 zélé, le plus affectionné corps de vostre Ro-  
 yaume, qui tousiours, à paupiere leuée, taf-  
 che, comme ce Thebain, d'asseurer par ses  
 veilles vostre repos. Et puis en une action  
 qui regarde vostre grâdeur, vostre repos &  
 vostre seureté, Ce seroit faire à croire que  
 vous voulez degenerer de la vertu de vos  
 ancestres, qui tous ont reconnu qu'ils ne  
 pouuoient estre grands, qu'en la grandeur  
 de ce



de ce Senat, Venerables, qu'en sa Maïesté, ny redoutables, qu'en la force de ses iugemens: Ouy, grand Roy Ces zelez Officiers sont les esprits vitaux de la Royauté, les ornements de la Couronne, & les Protecteurs du repos public, Ainsi, chérissiez les, & ne consentez aux passions ruineules de leurs ennemis.

Mais encor', Madame, Voyons si les Remonstrances de ce Senat sont de Iustice: Et quoy? N'est il pas Sainct cét aduis, de conseruer les Aliances que le feu Roy nous a laissées. Si le bõ Prince d'Egine, sollicité par Minos, & cõiuré par la Iustice de ses armes, de prendre son party, pour tirer raison de la mort de son fils, contre les Atheniens, s'en excusa, sur ce que les Atheniës estoïët leurs anciens alliez & sans consulter: qu'avec sa foy, refusa à Minos tout secours: Et si le Cõsul, de la part du Senat Romain, fist la mesme responce aux Capouants ennemis des Samnites. N'auons nous pas aussi subiect d'entretenir nos anciens alliez, de leur prester la main au besoin: lors mesme, qu'ils sõt attaquez par nos ennemis: Et nous, Madame par quelque desbauche & manie d'esprit, faisons tout le cõtraire: Et pour fortifier nostre ennemy: refusons le secours au Duc de Sauoye, nostre bõ amy, & declarõs

criminels de leze Majesté tous ceux qui le vont assister.

Ha ! Madame, La plus asseuree Maxime qu'on aye en vn Estat bien policé, est d'assister le plus foible? Tu as raison, Caisãdre, de dire, que si la consideration de la proximité qui est entre l'Espagnol, & ce Duc, ne retiēt l'Espagnol d'vsurper par violence les terres de son Nepueu, que la consideration de beau-frere ne sera pas plus forte, sinõ, pour l'aduantager en ses pretētions: Et croy, avec toy, que ce mariage sera le seul moyen de destrosner nostre bõ Louys, Les Scytes donnent leur foy a leurs ennemis, pour auoir leur despouille, & leur vie, C'est sous ce Religieux pretexte de Nopces, qu'on fait iouier les ressorts d'un pernicieux dessein: Ainsi Philippes, Roy de Macedoine rechercha l'Alliance d'Araba, Roy des Molosses, pour le priuer de son Royaume: Et ainsi Antiochus, surnommé Epiphanes, par le moyē de l'alliance qu'il auoit contracté avec le Roy d'Egypte, se fust emparé du Royaume durant son bas âge, si le Senat Romain n'eust, cõme fait aujourd'huy ce grãd Parlement, pris la deffence de la cause de ce ieune Roy.

Et encores ne sont-ils pas Saincts ces autres aduis, d'auoir l'œil au maniement des finances du Roy, puis qu'elles sont les plus



fermes estâçons d'un Estat, de tenir la main au soulagement du peuple? Puis que le plus fort répart d'un Roy est l'amour & le cœur de son peuple: Si donc, Madame, ce grand Senat à reconnu quel'Estat. par ces défauts penchoit à sa ruine, & vous en donne aduis N'en deuez-vous pas faire Estat. comme venant de la part d'un corps. qui vous a honorée, & autorisée, en la creance que vous auez en ce Royaume? Que s'il est vray, qu'on se prepare mieux aux ennemis de la fortune, quand on sçait en quelle sorte elle veut ayder, ou nuire Et si les ennemis ne peuuent effectuer leurs mauuais desseins, quand ils sont reconnus? Vous deuiez, Madame, avec plus de consideration, balancer les aduis de ce grand Senat, puis qu'ils contiennent les veritables progres des aduantages quel'ennemy de cét estat minute à sa ruine, On dit que Minerue paroissoit tousiours en feu à Diomedes, pour le preseruer des dangers de la mort, Ce venerable Parlement est ceste Minerue, qui poussé d'un saint Zele, va au deuât des malheurs, que la fortune, ialouse de sa grandeur, prepare à nostre Diomedes, à nostre ieune Roy. Et par ainsi, Madame, qu'a fait ce grand Senat, que ce qu'il deuoit? Mais, plus tost, n'eust il pas criminellement offensé, & le Roy, & l'Estat, s'il n'eust fait ce

qu'il a fait: Et comme les Romains degradoiēt de leurs Magistratures, ceux qui pendant icelles, auoient souffert laschemēt des affrons, comme coupables d'auoir rabaisié la dignité de leur charge. Ne eust pas aussi ce grand Senat meritē, s'il eust laissé offenser, sans mot dire, l'intrest public, avec la reputation particuliere, d'estre destrosné de ce grand Tribunal.

Ne peut-on donc pas dire que puis qu'on bānist le Conseil des Sages, & qu'on ferme l'oreille aux plaintes des subjects, quel Estat est malade, & sur le declin de sa prosperité, Ny plus, ny moins, que si tost que le Palladium, ou les destinées auoiēt attaché le bōheur de la ville de Troye, fut enleué, Troye fut mise en cēdre: Et au cōtraire, qui mit en creāce, & en gloire, l'Estat de ce grand Ptolomée, que le Conseil de ce braue Demetrius Phalereus: nostre Roy, le le puis dire à ce grand Parlement des ceruelles les plus zelées & les plus sages de l'Europe: Cene sōt pas de ces testes plombées, qui fondent si dextremement leur plomb en or de Castille, Mais des ceruelles toutes nettes, toutes deschargées de trahison & de resuerie: par l'aduís desquelles, nostre Roy peut anter ses Lauriers sur les Palmes de ses Ancestres, Et accompagné de son Vlysse, de son cher



Cousin, porter sa picque aux extrémités des terres étrangères.

De quel front donc, Madame, a on peu dire que ce grand Parlement ne doit cognoistre des affaires d'Estat, Et par quelle loy à on peu, par vn Arrest, leur en vouloir interdire la cognoissance, Paradoxon estrange, Ce venerable Senat, la plus Auguste & celebre compagnie de l'Europe, Celuy qui a l'honneur de receuoir les Roys en leur Royauté, declarer leur Majorité, ordonner les regences du Royaume, receuoir les Ducs, & Pairs, les Mareschaux, & autres Officiers de l'Estat, ne sera pas receu, luy, qui est le corps de tout ces membres, à presenter à son Roy des humbles remonstrances, le conseiller en vne occasion si importante, & luy faire cognoistre, à l'entree de sa Maiorité, les abus de l'Estat, les voleries de ses tresors, & les ruines de son peuple. Ha! le vois bien encore Cassandre, que nous sommes au declin de nostre bon-heur, Tu as beau crier, ny pour cela, Tout tombe, tout tombe, Car si Iupiter t'a donné la cognoissance de l'aduenir, Iunon, par sa malice, fait qu'on ne donne creance à ton dire, Mais encore, ou en sommes nous? A quoy ces leuées d'armes, Est-ce pour faire la guerre à ce grand Parlement: A quel propos ces

Rodomonds, au lieu de contenter de raison ce venerable Senat, ont fait le Palaiam de leurs Épees, contre des Balanciers de la Iustice Et cōtre qui offrez vous vos Espées Brauacnes, Contre la Iustice Ha! qu'il est genereux, ce courage? C'est encore entreprendre beaucoup Car, croyez moy? La ceruelle de ce Senat, sās fraper des mains, abat plus de testes, que vous ne blessez d'ennemis. Philippe, ce braue Capitaine au siege d'Athenes redoutoit plus le tranchant des langues des Orateurs, qui estoient dedans, que le fer & l'acier des Soldats: Et vous ne craignez-pas ce grand Senat, mesmement, en vne cause iuste? Et vous estes seruiteur, de Roy, en foustenant l'iniustice, l'impieté, & la ruine de son Estat: Ha! le vois biẽ que vous regardez en Espions, ou le vent sera en poupe pour surgir plus heureusement. ou vous desirez. Vous verriez, comme moy, Madame ce pernicleux dessein Si vous faisiez passer par des legitimes considerations les remonstrances de ce Senat: Que dira la posterité, si vo<sup>9</sup> voulez. à main armee, executer quelque tragique Mariage, pour tesmoigner plustost vostre passion que le bien de l'Estat: Ne pensez pas que la Frāce, pour l'obligatiō qu'elle à vostre obeissāce agrée l'alliance des superbes ennemis, qui ont



tant de fois entrepris de triompher de nos dépouilles, C'est nous conseiller de nous rendre esclaves à ceux qui nous disputent la preference, & l'autorité que nos armes nous ont acquis sur leur vanité. L'ayme trop vostre reputatiō, pour vous laisser faire vne faute si preiudiciable à vostre honneur, & si dommageable aux subiects de vostre ieune Roy Iunon, dās Homere est blasmée, de ce que pour fauoriser la passion des Grecs, cōsentit que Iupiter mist en vne funeste cendré ces trois grandes Citez, Argos Sparthe, & Micene, qu'elle aymoit particulièrement, Mais, plus blasnable seriez-vous, Si pour authoriser les pernicioeux desseins de l'Espagnol, vous consentiez que ce grand Estat fust mis en cendre.

Tenez vous donc, Madame, au Conseil de ce grand Senat. Et ne le violentez pas en vne cause si zelee, & si iuste, C'est vn corps à plusieurs testes comme le Gerion des Poëtes, à plusieurs mains comme Briareus : Et puis il est secondé des veuz d'un grād Prince, qui chery & fauory du Ciel portera son courage à la gloire de ceste Monarchie, Ouy, Grand Prince, Ma vie, aussi bien que ma plume, pleigera en cét endroit vostre zele. Vous ne vous en pouuez aussi dispēser, Car quand l'interest particulier est ioint

avec le general, l'obligation est plus estroite, & personne s'en peut dispenser, qu'à son prejudice, C'est a present, qu'on reconnoist vos iustes intentions, Et que le peuple attend de vous des effects dignes de l'affection que vous portez a vostre jeune Roy & au soulagement de son peuple. Iupiter, dans Homere, apres qu'Achille eust esté offensé d'Agaménon, se penoit de le remettre en son ~~authorité~~, & le rendre si necessaire aux Grecs, qu'en leur affliction, ils n'eussent recours qu'à luy: Le Ciel aussi offensé du mescontentemēt que vous avez receu en vn subiet si pie, veille tousiours pour vostre bien, Et vous rendra si necessaire, qu'il faudra que vos plus grands ennemis prēnēt la Foy de vous. Je le croy i'espere, que comme, si tost qu'Aristomenes eut pris la defence de la cause des Messeniens, ils triompherent des Lacedemoniens, Que la France aussi sous la faueur de vostre zele, de vostre Conseil, & de vostre courage, rompra tous les ruineux desseins de ses ennemis, escrira la paix de leur sang: & fera auorter leurs funestes proiects à la ruine de leur gloire.

*F I N.*